

Ծանուցագիր

Հայտնում ենք Ձեզ, որ համաձայն մաքսային մարմնի կողմից ստացված տեղեկությունների Ձեր կողմից 2018թ-ի հունվարի 13-ին ՀՀ տարածք են ներմուծվել էլեկտրական սարքավորումներ, ինչի արդյունքում գերազանցվել է ՀՀ կառավարության 2015թ հուլիսի 30-ի թիվ 865-Ն որոշման N 1 հավելավածով սահմանված ակնհայտ առևտրային չափաքանակները և Ձեր կողմից կատարված ներմուծումը, համաձայն <<Մաքսային կարգավորման մասին>> ՀՀ օրենքի 249-րդ հոդվածի 6-րդ կետի, դիտարկվում է որպես ձեռնարկատիրական գործունեության նպատակով իրականացվող ներմուծում:

Դուք ՀՀ հարկային օրենսգրքի 59-րդ հոդվածի 6-րդ կետի համաձայն պարտավոր եք ՀՀ կառավարության 2015թ հուլիսի 30-ի թիվ 865-Ն որոշմամբ սահմանված չափաքանակը գերազանցող մասի համար հարկային մարմին ներկայացնել ներմուծման հարկային հայտարարագիր և ապրանքների ներմուծման և անուղղակի հարկերի վճարման մասին ներմուծողի լրացրած հայտարարություն ու վճարել ավելացված արժեքի հարկ՝ մինչև ապրանքները ՀՀ տարածք փաստացի ներմուծելու օրն ընդգրկող ամսվան հաջորդող 20-ը ներառյալ, ինչը Ձեր կողմից չի իրականացվել:

Հարկային պարտավորությունների հաշվարկման վերաբերյալ տեղեկանքի համաձայն՝ ԱԱՀ-ի գծով քաղաքացի Սերյոժա Հայրապետյանի չկատարված հարկային պարտավորությունը 24.05.2018թ. դրությամբ կազմել է 180.658 դրամ, որից ապառք՝ 172.260 դրամ, տույժ՝ 8.398 դրամ:

Համաձայն „Վարչարարության հիմունքների և վարչական վարույթի մասին,, ՀՀ օրենքի 30-րդ հոդվածի 1-ին մասի բ) կետի՝ ՀՀ ՊԵԿ իրավաբանական վարչությունում հարուցվել է վարչական վարույթ՝ Ձեր չկատարված վերը նշված հարկային պարտավորությունները գանձելու վերաբերյալ ՀՀ հարկային օրենսգրքի 398-րդ հոդվածի 5-րդ մասով նախատեսված վարչական ակտ ընդունելու նպատակով: Ի կատարումն „Վարչարարության հիմունքների և վարչական վարույթի մասին,, ՀՀ օրենքի 35-րդ և 38-րդ հոդվածներով վարչական մարմնին վերապահված պարտականությունների, առաջարկում ենք ծանուցումը ստանալուն հաջորդող 3-րդ աշխատանքային օրը, ժամը 11:00-ին ներկայանալ վարչական վարույթին, կամ մինչև նույն ժամկետը ներկայացնել վերը նշված վերաբերյալ Ձեր գրավոր բացատրությունները և (կամ) առարկությունը հետևյալ հասցեով՝ ք. Երևան, Սասունցի Դավթի փողոց, 87Ա շենք: Սույնով չներկայանալու դեպքում գործը կարող է քննվել Ձեր բացակայությամբ:

ՀՀ ՊԵԿ իրավաբանական վարչության

ՀԳ և ՊԿԱ բաժնի գլխավոր մասնագետ

Անի Ենոքյան